

TE HENEURAA API

NENEIHIA I ROTO I TE PIHA NENEIRAA A TE EKALLESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 5

Me 1937.

Mat. 31.

E haapii i te tamarii i tana e'a ia haere ra; e ia paari oia ra, e ore e faa-
rue i taua e'a ra MASELI 22:6.

Oia mau ta'u e parau atu ia outou nei, O te ore e farii i te basileia o te
Atua ra mai te tamaiti aruaru ra, e ore roa'tu oia e ô i reira. Ua rave atu-
ra ia ratou, ua hii ihora, ua tuu atura i tana rima i nia iho ia ratou, e ua
faaora'tura oia ia ratou. MAREKO 10:15-16.

Ei reira te lukio e parahi atoa'i rana o te arenio; e te nemera e te pinia
mamoe, e apiti atoa ia i te taotoraa, e te fanau'a puaatoro, e te liona api,
e te puaatoro haaporua ra, hoê â amuiraa mai. e na te hoê tamaiti iti e
aratai. ISAIA 11:6.

Iosepha Semita

TE PEROPHETA NO TE MAU MAHANA HOPEA NEI.

EITA e ore te papaihia te hoê parau aratai no te mau
ui a muri atu e i reira e tuuhia'i teie uiraa; O vai
te taata Marite, no te 19 o te tenetere, tei hau atu i te mana
i nia i te hopea o te taata o to'na fenua? Eita atoa paha e
ore te papaihia te pahoarua mai teie: O Iosepha Semita te
Peropheta Momoni. Eita e tia i te haapao i te hoê taata tei
faatupu i te hoê haapaorua, i teie tau maramarama, na roto
i te mau parau faaino.

Teie mau parau ra, no roto mai ia i te vaha o te taata ra o Josiah Quincy, no te haapiiraa teitei no Harvard, Tavana Oire no Boston mai te m. 1845 e tae noa'tu i te m. 1849, e e melo no te fetii roo rahi ra o Quincy. Ua haere tana taata ra e mataitai i te oire ra o Navu, te pû o te Ekalesia Momoni, e maha ahuru ma toru mahana na mua a'e i to te Peroppheta taparahiraahia. No roto mai i te mau parau ta'na i tapao haere, i taua tere no'na ra, te buka ta'na i papai i nia i te oraraa e te ohipa a Iosepha Semita.

Ua fanauhia o Iosepha Semita i te 23 no ditema 1805, i te tufaa fenua Veramona, America. Ua haamata oia i ta'na ohipa i te 14 raa o to'na ra matahiti. E mea poto roa to'na oraraa, mai to te Fatu ra, area ra ua maitai roa ia. I te 27 no Tiunu 1844, a tae ai oia i te 38 o to'na ra matahiti, ua taparahihia oia no te ohipa tana i faatupu. Area ua vaiiho mai oia, ia tatou, te hoê ohipa e te hoê pororaa tei faatae oioi hia nei i te mau nunaa, te mau opu, te mau reo e te mau basileia. I te 23 no Titema o te mau matahiti atoa, e faatura te mau Feia Mo'a no te mau mahana Hopea nei i te i'oa o Iosepha Semita; e hi'opoa ratou i te huru o to'na oraraa e ta'na ohipa e te tamata nei ratou i te haapao, i te mau mahana atoa, ta'na mau haapiiraa nehenehe e te mo'a.

O te mau feia atoa tei au i te parau mau e te mau mea papu, tei ore â i ite i te huru o te oraraa, te mau ohipa i oti, a teie nei peroppheta no te tau hopea nei, e au paha ia ratou ia haapii i taua mau parau ra.

I roto i to matou toroa Orometua no te Ekalesia a Iesu Mesia, te ani nei matou i te mau taata atoa, ia haapii maitai i te faufaa mau no te ohipa rahi a Iosepha Semita, te mau parau rahi e te parau mau ta'na i poro e te mau ture no te Ekalesia ta'na i faatia na roto i te ururaa no te ra'i mai. E mea tia ia vai noa, i roto i te feruriraa o te taata imi parau

mau, ia imĩ ratou i taua mau parau ra, te parau a te Fatu tei na ô mai: *O tei hinaaro maite i te haapao i to'nu ra hinaaro, e ite ia i ta'u e haapii nei e na te Atua, e na'u iho.* (Ioane 7:17)

Mai te faatiaraahia te Ekalesia, hoê hanere matahiti i mai-ri a'enei, e rave rahi te mau taata papai parau, te mau feia paari e te mau philosophe tei tamata i te faaite te auraa uo te mau ohipa a Iosepha Semita, eiaha ra mai ta'na iho i faaite, oia hoi: mea maitihia oia e te Atua, na faatiatia oia, e te Mana Hope iho, ia faatia i te Ekalesia a te Mesia i nia i te fenua nei: ua ite oia, i roto i te hoê orama, te Metua e te Tamaiti, e ua faaroo oia i to raua reo; ua farii oia i te Autahu'araa mo'a mai te au i te Tamaiti a te Atua, tei faatia ia na ia parau e ia rave i te ohipa i te i'oa o te Metua e ia faatia faahou, i roto i to'na îraa, te Evanelia e te Ekalesia a te Mesia i nia i te ao nei. Aita â i tia i te hoê taata ia haamaramama mai i taua vahi ra.

I roto i te omuaraa parau o te buka ta'na i papai i nia ia Iosepha Semita — e peropheta Marite — ua faaite poto mai te taata ra o Johu Henry Evans i te huru o te mau ohipa i ravehia e taua taata rahi i roto i to'na oraraa poto.

Teie te hoê taata tei fanauhia i nia i te mau aivi maro no te tufaa fenua Veramona, tei paari i roto i te tufaa o te fenua New York tei riro ei otia no te maramarama; aita roa oia i ite noa'e i te huru o te hoê fare haapiiraa: ua noho oia i roto i na tufaa fenua e maha, e aita roa oia i fariihia e te hoê o ratou; e rave rahi te mau ava'e tei pau ia'na i roto i te mau fare tapearaa o te reira tau; noa'tu e na tuu tiamâhia oia, ua auau noa hia ia mai te hoê animala taehae; ua paraihia oia i te tâ e ua pipihia i te huruhuru moa e ua faaruehia mai te taata pohe ra; ua tiahihia oia e ta'na mau pĩ-pĩ, mai te tahi fenua i te tahi fenua, e te mau taata iino, mai New-York i Ohio, mai Ohio i Missouri, mai Missouri i Ili-

noi e pohe atura i reira, i te 38 raa o to'na matahiti, ua puhihia e te tahi mau taata iino tei peni i to ratou mau mata.

Ua papai oia i te hoê buka tei riro ei maereraa, na te mau feia hi'opoa buka, i roto i na 100 matahiti tei pau a'enei e tei hau atu i te tai'ohia i te mau buka atoa, maori ra te Bibilia. I te uputa o te hoê tau maramarama, ua faatia oia i te hoê huru faatereraa tei hau atu i te maitai i teie mau tau hopea nei, e te hoê philosophia, no te pae faaroo, te ore roa e noaa te faito, i roto i te mau tau. Noa'tu ra i te reira, ua faatia oia i te hoê faatereraa, no te pae tino, te faaore i te mātā'u i roto i te mafatu o te taata, te mātā'u — o te ati ia pohehia i te ma'i, ia ruau, ia ore te ohipa e ia veve.

I roto i na fenua e toru ahuru, te vai nei te mau tane e te vahine tei aifaito noa ia'na ia Mose, ei taāta faatere, e ia Isaia, ei peropheta. Ua tae te tai'oraa o tā'na mau pīpī i te milioni, e inaha, ua faatiahia te hoê pou ofai nehenehe i te vahi i fanauhia'i oia, e te tahi, i te vahi i farii ai oia i te heheuraa no tā'na bnka.

Papaih'a e Ritale R. Lyman, Aposetolo,

EAHA TE TAATA NEI ?

*I*ROTO i te oraraa nei, o te piti ia o te uiraa. Te matamua ra tei nia ia i te huru mau o te Atua.

Ia ore e tia ia pahonohia taua uiraa e paruparu ia te faaroo papu, area ra, na te pahonoraatia i tauturu i te tahi mau nunaa, mai te taata nei, ia haapapu i to'na oraraa. E hau atu te puai o te faaroo ia apitihia oia i te ite i te auraa mau

te vai i rotopu i te Atua e te taata. No te iteraa i te e'a no te haereraa'tu i rapae i te mau mea ri'ari'a o teie nei ao — te ri'ari'a i te veve, te ma'i e te tama'i — e mea tia ia vai te hoê maramarama rahi, e taua maramarama ra, o te te ite papuraa ia e, eaha te taata nei e to'na hopea.

Te taata nei, o te hoê ia o te mau parau mau mure e te tahuti ore o te ao nei. E haamata to'na parau i te mau tau mure ore hou te fenua nei i hamanihia'i. E tahiti to'na mure ore i te mau tau atoa e aita e hopea to to'na mau matahiti.

I te matamua tei te Atua ra te taata; e tamaiti oia na'na tei fanauhia e Ana. E mea mo'a to'na paparaa tupuna. I to na parahiraa i te ao varua, ei tamaiti e a ore ra ei tuahine no te Metua mo'a, ua paari oia e ua noaa ia'na te ite e te mana na roto i to'na haamaitairaa i to'na tupuraa varua. E i te hopea ua ineine atura oia no ta'na ohipa i nia i te fenua nei e ua farii oia i to'na mau ture na roto i to'na iho hinaaro. Aita te taata i tae mai, i nia i te fenua nei, na roto i te hoê ati, ua haere maira oia no te hoê tumu, te haereraa i mua.

I to'na tiaraa tamaiti na te Atua ua noaa mai ia'na te huru o to'na Metua. Tei roto ia'na te huru no te rahiraa mure ore, oia mau, ua faito oia i te hoê atua. No reira e tia ia'na ia haere i nia, i te hanahana mure ore o te Metua i te ao ra. E mea mure ore e te haere i mua te hopea o te taata.

Te e'a i haerehia mai te haamataraa mai e tae roa mai i te rahi o teie nei, ua na roto ia i te tutavaraa ta tai tahi tei arataihia e te Atua. E tae ihoa te taata i te mau vahi tei ore i taa ia'na i teie nei, na roto ihoa i to'na mau tutavaraa. E oia mau roa, te ora nei, te haere nei e te pee nei te taata i te ture no te haereraa i mua, area te haeraaa i mua e mea ia no roto mai i te taata, eiaha no rapae.

E ere to'na haereraa i mua i te mea faahepohia; te ora ra

e hoipa amui ia i rotopu i te Atua e te taata.

E mau tamarii ana'e te taata na te Atua; e mau taeae hoi ratou. Hoê â tumu e e faito te hopea to te taata, noa'tu i te nunaa no reira mai oia. Ua hamanihia te mau ra'i e te fenua e ua faataahia te ravea ora no te taata ta tai tahi. E ere te Atua i te Metua pae tahi: i roto i to'na here rahi, ua aifaito noa te mau tamarii. E no te mea te vai ra te hoê ravea faaora, eita oia e hope i te oti, maori ra, ia fariihia e te taatoa. No reira ua riro te ora o te mau varua ei ohipa na te taatoa, e no te reira, e tuuhia te utua i nia i te taata no tonara taeae.

Ahiri te reira huru feruriraa, tei afai roa te taaota i nia, e taa maitai na, e tauiraa rahi te tupu i roto i te raveraa o te taata i te taata. E ore oioi te hamani inoraa no nia i te fenua. E monohia te ture o te manu taehae i te ture o te ra'i; e upootia te here i nia i te ino. Te faaite maira te parau tuatapapa o te ao nei e, te hau tei haroaroa rii i te huru mau e te hopea o te taata, ua manuia e ua vai maoro ratou.

Te mau feia mana'o ino tei imi te ravea ia ora i nia ia vetahi ê; te mau arii tei vahavaha i to ratou mau taata e ua faariro ia ratou mai te pèrè faanuu; te mau hau tei tono i te tauatini o te taata i te mau vahi tama'iraa, ia pohe e a ore ra ia paparu, e faaea ratou i taua mau ohipa ino ra ahiri i taa ia ratou te faufaa o te taata, to'na tumu e to'na hopea hanahana. E faarahi ia te parau-tia i to'na ai'a i nia i te fenua nei. E rave rahi ta tatou mau parau faufaa ore no nia i te au taeaeraa o te taata; e vai mau taua au taeaeraa mai te mea e farii tatou e, e taeae te taata atoa no tatou e ua faatia atoa tatou e, ua aifaito oia, ia tatou, i to tatou mau tia-raa atoa. E mea tia ia vai atoa te hoê faito tia no te rahi tei vai i roto i te taata ta tai tahi, e te tia e vai nei, i roto i te taata haehaa, ia titau i te vahi teitei. Ahiri te reira huru ite

i parare i nia i te ao nei e hau roa'tu ia to tatou mau haereraa i te maitai, e hau atoa te feruriraa na mua i te raveraa, e i te hopea e noaa ia tatou te hau, te hinaaro rahi o te ao nei.

Ia noaa te iteraa o te auraa e vai i rotopu i te taata e te taata nei, a ore ra, i rotopu ia ratou e te Atua, e horoa mai te reira i te hoê ohipa i te taata ta tai tahi; e o te mea ia tei ore ia tatou. Eita te amuiraa taata e hau atu i te maitai i te mau melo iho. Te hoê nunaa parau-tia o te amuiraa ia o te mau feia parau tia. Te maitai o te hoê hau o te amuiraa ia o te mau maitai ta tai tahi. Ia faanahonaho ana'e te taata ta tai tahi i to'na fare, ua nahonaho atoa ia teie nei ao. E rave rahi te mau parau e parau-hia nei, i teie mau tau, no nia i te mau ohipa e rave-hia nei, e te mau hau e te tahi mau amuiraa, no te haapaoraa i to tatou mau hinaaro, i te pae tino e te pae varua atoa; area, te vahi tia mau, ia imi tatou i te mau ravea atoa ia haamaha i to tatou mau hinaaro; ia rave tatou i tetahi ê e turu no tatou, te haaparuparu ra ia tatou ia tatou iho; e mea na roto i to'na itoitoe te taata e tae atu ai i to'na hopea teitei. Eita e tia ia te tahi ê ia faakorona'tu ia'na i te reira. E tomo oia, na roto i to'na iho hinaaro, i roto i te basileia o te Atua, i nia i te fenua nei, e a ore ra, i nia i te mau ra'i. Na roto i te haavî-raa ia'na iho e noaa'i to'na iho parahiraa i roto i te hanahana mure tei faaati i parahiraa o te Atua.

Eaha te taata nei i haamana'o ai oe ia'na ? E tamaiti oia na te Atua tei faaahuhia i te hoê mana rahi, e mai te mea e faatura oia i to'na tumu mo'a e to'na hopea teitei, e oti ihoa to'na hinaaro rahi, oia hoi, ia noaa ia'na te hau i nia i te fenua nei.

Papahia e Ioane A. Widtsoe, Aposetolo,

Te Aroha No Tei Pohe.

E tuatiraa teie parau,

E riro teie mau parau rahi nehenehe no nia i te tiaturiraa i te oraraa a muri atu a te Dr. Cadman, tei maitihia, e te mau pororetani, ei Peretiteni no te Apooraa no te mau Ekalesia Porotetani i America, ei mea faufaa roa na vetahi ê atu mau taata i te Feia Mo'a no te mau mahana hopea nei.

Te tae noa mai nei, i te mau mahana atoa, te parau haapapu e, ua amui mau hia te feia i pohe ra i roto i to tatou oraraa nei. I roto i te parau paari no te Evanelia te vai ra te *reo no te parau oaoa no te feia i pohe ra*, E ore roa te reira reo aroha e ore e e mahiti noa te uputa no te tiaturiraa e a muri noa'tu.

Ua faaineinehia te mau maramarama o te taata no te farii raa i te mau parau mau te hehenhia mai e te evanelia. Te itehia nei te hoê tauraa rahi i roto i te feruriraa o te taata. Uu tanu tatou e ua pipi hoi. Mai te ua i roto i te medebara, ua mana'o hia e ua faufaa ore atoa ta matou pororaa i te evanelia i te hoê ao faaroo ore. Ua parau a'enei te Atua e, eita ta'na parau e ho'i mai Ia'na mā te faufaa ore, e rave rā oia i To'na hinaaro. Ua ueue tatou i roto i to tatou paruparu e te ooti nei ma te puai. Ma te maru e te papu hoi, te ite nei to tatou mau taata tupu, ua faaite o Iosepha Semita i te mau parau mau tei hiaai hia e to ratou mau aau.

Te vai nei, i te Ekalesia, te mana no te ra'i mai no te haapuai e te faaoti roa raa i te mau mana'o maitai o Dr. Cadman e te tahi atu â mau taata feruri, no nia i te oraraa a muri atu. Ua faaite mai te peropheta no te mau mahana hopea nei e: *I roto i te mau ohipa rarahi o te evanelia o te bapetizoraa ia no te feia i pohe tei hau atu i te hanahana.*

Te noaa nei te oaoa i te Feia Mo'a no te Mau Mahana Ho-
pea nei no roto mai i te parau papu no te toburaa tei tiaturi
hia e ratou. Te haapiiraa rahi no te ora o te feia i pohe ra,
o te raveraa ia i te opuaraa rahi no te oraraa, ma ta'na mau
oro'a atoa no tei pohe ra, o to ratou ia ravea ora.

Ia i to outou aau i te oaoa, e ia i outou i te oaoa. Ia oto te fenua
i te haamaitai. Ia himene te feia i pohe ra i te haamaitai mure ore i
te Arii ra ia Emanuela, tei faaue, hou te tumu o te ao nei, ia rave-
hia te mau mea atoa tei faatia ia tatou ia iriti mai ia ratou no roto
mai i te tapearaa ra; no te mea e haere tiama noa tei tapeahia ra.

Papaihia e Tehare A. Callis, Aposetolo.

E riro te tamarii ei oaoaraa, e a ore ra, ei otoraa na to'na
na nau metua, mai te au i to'na haapiiraahia.

Ia rave outou i te ohipa a te tamarii maitai, te faaite ra ia
outou i to outou tiaraa maitai i mua i te tnre.

E mea maitai a'e ia maiti atu i te haama, e a ore ra i te
pohe, i te amui atu no te raveraa i te hoê ohipa ino.

O tei ore roa e fa'i i tei ravehia e ratou ra, ua hau ia to ra-
tou here, ia ratou iho, i te parau mau ra.

O te faaipoiporaa tei hau atu i te maitai e te rahi i rotopu
i te mau auraa o te tane e te vahine.

EDITORIALE

THOMAS L. WOODBURY.

GENESE 49:22-26.

,, 48:15-19.

DEUTERONOMI 33:16.

ALAMA 63:4-9.

ALAMA 10:3.

MOSIA 10:16.

3 NEPHI 15:21-24.

E huaai anei, no Iseraela, te taata tumu i fanau i o nei?

No hea mai te hui tupuna maohi? E fetii anei ratou no te Initia America?

E homa, te na ô maira te haamaitairaa a Iosepha, no tana metua tane o Iakoba: *O Iosepha ra, e ohi hotu ia, e ohi hotu i te pu o te pape ra; o te toro to'na amaa nania iho i te aua ra.* E parau mau taua parau ra; ua rahi roa'tura to Iosepha huaai, e no te rahi roa raa o taua huaai ra, ua tae ratou i te mau vahî atoa o te ao nei, *ua toro taua amaa ra na nia iho i te aua ra.* Tauga aua ra, o te *Miti rahi ia:* Ua tere atura ratou na nia i taua moana rahi ra, i te fenua America, mai tei faai. tehia i roto i te Buka a Moromona.

O Lehi ma tei tere atu, e ono hanere matahiti, hou te fanau-raa o Iesu Mesia, e ua parahi ihora taua huaai ra, i te fenua America, e tae noa'tu i te anotau i tae mai ai o Christopho Colomabuso, no te fenua Paniora mai.

Ua hamani maitai ratou ia'na e ua mana'o ihora ratou e, o te *Varua Rahi* oia. Ua tupu atura te parau tohu no Iatopa ra, *Ua rahi roa'tura te huaai o Iosepha, te mau mea maitatai o te fenua, e to roto atoa ia'na ra.* E no reira e mea herehia o Iosepha e ta'na huaai **INITIA** e Iehova ra.

Na ô maira o Alama i roto i te pene 10:3: "E e huaai o Ami-

nadi o Nephi na Lehi, o tei haere mai mai te fenua maira mai Ierusalema, o te huaai oia o Manase na Iosepha, o tei hoohia'-tu i to Aiphiti e te rima o to'na ra mau taeae." Te mau Initia, no roto mau ia ratou ia Iseraela.

Ua papu atoa te parau a te Mesia tei papaihia i roto i te Ioa ne i te pene 10 i te irava 16: " E mamoe ê atu â ta'u, e ere i teie nei aua, e aratai atoa mai au ia ratou e tia'i, e faaroo mai hoi ratou i to'u reo, ia hoê a'e nana e hoê hoi tia'i." E mea tano hoi taua parau ra e aore te mau ati Iuda i ite i te auraa. Maere iho-ra ratou, area, ia tai'o tatou te parau i papaihia i roto i te Bu-ka a Moromona, e ite maitaihia ia te auraa mau o taua parau ra. A hi'o i roto i te 3 Nephi 15: 21-24, i reira e papu roa'i te mana'o i nia i te mau parau a te Mesia i faaite ra.

TE PARAU AUTHU'ARAH.

Tihoti M. LAKE.

Beniamina WINKEL.

Levi LEATHAM.

Eledona MORTENSEN.

Na Te Mau Maapii

Mahaere na te mau utuafare,

2. *Te faaroo nei matou e, e faautu'ahia te taata'toa no ta ratou iho hara, eiaha râ no te hara a Adamu.*

E haapii maite i teie nei parau piti a te peropheta ra o Io-sepha Semita. E mea au maitai teie nei parau faaitoito.

Te mau irava tauturu: Ieremia 17:10; Ezekiel 18:20; Mataio 12:36-37; Apokalupo 20:12-15.

E Parau no te haamaitairaa i te Oro'a.

Hou te haamaitairaa i te Oro'a, e faaineine te Diakono i te ohipa no te oro'a, e ia mâ maitai te mau farii o te Pane e te farii o te Pape, e ia oti te reira e faataa oia i te tahi punu nainai e e faaî i te pape no te horoiraa i te rima o na taata tei ia raua te tufaa no te haamaitairaa i te Oro'a. E horoi na taata haamaitai Oro'a i to raua rima e ia mâ maitai, a rave atu ai raua i te Oro'a.

Ua haapiihia teie parau e to tatou Peretiteni apî, oia hoi, o TOMA; e parau maitai rahi teie, e te nehenehe hoi, no reira, e te mau melo no te Ekalesia, ia haapao tatou i teie ohipa maitai. E na reira atoa tatou i to tatou nei mau tino, e horoi maitai, e ia mâ, a amu atu ai i te Oro'a. Ua papaihia te reira i roto i te 1 Korinetia i te pene 10, irava 21 e tae noa'tu i te 29.

Na reira atoa tatou nei ia tamaa, e horoi tatou i to tatou mau rima hou a tamaa'tu ai, ia amu tatou i te maa ra, e mea mâ te rima e te aau atoa. E na reira atoa i te tino o te Mesia, ia rave tatou i te tino o te Mesia, ia mâ atoa to tatou rima e to tatou tino, no te mea e fare tatou no te Mesia, no te mea ua papaihia e, *E hiero outou no te Atua, e o tei haavii-vii i taua hiero ra, e pohe te reira i te Atua.*

E no reira, ia haapaohia teie ohipa maitai e tatou atoa e tia'i.

Iaora'na outou, e te mau melo no te Ekalesia a Iesu Mesia I te Feia Mo'a Nô te mau Mahana Hopea Nei, ei te Atua outou i te parau no To'na ra aroha.

Papaihia e Iosepha B neteau.

Te Mau Melo E Te Autahu'araa.

NO TE MAU SABATI NO TE AVAE TIUNU.

TE MAU PARAU MATAMUA O TE FAAROO.

BUKA ARATAI NO TE EKALESIA. HIROA FAAROO NO 6.

Te faaroo nei matou i te tuuraa o te mau toroa i roto i te Ekalesia nei, mai tei tuuhia mai i roto i te Ekalesia i mutaihora; oia hoi, te mau aposetolo, te mau peropheta, te mau orometua, te haapii e te mau tauturu.

Mau Irava tauturu: Ephesia 2:19-22; Luka 6:13; Ephesia 4:11-14; 1 Korinetia 12:21-31; 2 Timoteo 4:5; Hebera 5:1; Luka 10:11; Philipi 1;1; I Petero 5:1; Ohipa 14:23; Luka 1:5; Ohipa 13:1.

TE AUTAHU'ARAA A AARONA.

Te DIAKONO. E 12 taata i roto i te pūpū hoê.

Peretiteni, na Tauturu e te Papai parau. Philipi 1:1.

Te HAAPII. E 24 taata i roto i te pūpū hoê.

Peretiteni, na Tauturu e te Papai parau. II Timoteo 4:5; Ohipa 13:1.

Te Mau TAHU'A. E 48 taata i roto i te pūpū hoê.

Te EPISEKOPO to ratou Peretiteni, e a ore ra, te Peresibutero tia.

Luka 5:1 e te mau parau i papaihia i roto i te Buka Fafau 20:84, e te pene 107,

Ua parau atoa hia e, e AUTAHU'ARAA LEVITIKO.

TE SOTAIETE VAHINE TAUTURU.

MAUDE WOODBURY.

NOROTA HARDY.

TOTARE GREEN.

Te hinaaro nei te Fatu ia faatura'tu tatou ia'na e te fare tei haamaitai hia no te raveraa i Ta'na mau ohipa. Ua paraparau hia, e te Autahu'araa te peu ho te iritiraa i te taupoo, i roto i te Fare pureraa, mai te au i te mana'o o te Peretiteni ra o Mate WOODBURY. Ma to tatou mau upoo tapoi ore hia, i te mau vahi haamoriraa, e tia ia tatou ia faahaehaa ia tatou iho e ia

rahi atu to tatou farii raa i te Varua o te Atua e ia atoa te taata i muri mai ia tatou i te taata na'na te a'oraa.

Ua riro taua ohipa ra ei peu tumu i Siona, oia hoi te iritiraa i te taupoo, e ua mauruu roa vau i te mau tuahine no te Misioni o Tahiti nei no to ratou haapao ohie raa i tei hinaarohia ia ratou ra.

Te hinaaro nei au, i roto i to outou tiaraa tuahine, ia haapao outou i te mau haapiiraa te horoahia mai e te Peretiteni no te mau Tuahine, no te Misioni.— ua maitihia oia, e te Atua, ia faatere i nia ia outou atoa.

Haapiiraa no te Ava'e.

MAHANA MAHA MATAMUA. HAAPIIRAA EVANELIA

I te mahana Maha matamua, i te mau ava'e atoa, e mea tia ia faaterehia te mau putuputuraa mai teie te huru: e himene - te pure - e himene - tai'o raa minute e te faaiteraa i te mau ohipa e ravehia.

E faaterehia te haapiiraa no nia i te Buka a Moromona no te hoê afa hora, e te taima toe ra e tuu atu ia i te mau tuahine ia faaite ratou i to ratou mau mana'o no nia i te haapiiraa i faaterehia.

Na te Peretiteni e faatere,

MAHANA MAHA PITI. OHIPARAA.

E himene - pure - himene - tai'oraa o te mau minute.

E faaite na tuahine, na raua te haereraa, ehia fare i haerehia e raua, o vai te pohe ra i te ma'i, o vai te au ia tauturuhia, eaha te huru o te mau utuafare i roto i te evanelia. E afai atoa mai raua i te moni i aufauhia ia raua. I te taima raveraa ohipa e faataahia te hoê tuahine no te faatiraa i te hoê aamu maitai. E opere haere i te tahi mau faraoa rii e te pape haari e a ore ra, te tahi mau mei'a.

Na te autuau hoê e faatere.

MAHANA MAHA TORU. HAAPIIRAA PARAU TUATAPAPA.

E maitihia te hoê tuahine maramarama no te haapiiraa i te tahi mau aamu no nia i te mau hui tupuna maohi, te mau parau no te mau fenua, te taeraa mai o te mau orometua matamua, e te mau haapiiraa maitai ta te papaa i afai mai na roto i te mau haapaoraa faaroo.

Na te Tauturu Piti e faatere.

MAHANA MAHA HOPEA.

HAAPIIRAA NO TE UTUAFARE.

E mea tia ia maitihia e 2 tuahine no te faatereraa i te haapiiraa, oia hoi, nahea te faanehehehe i to tatou mau utuafare, ia nehenehe e ia nahonaho maitai ia tia i te Atua ia parahi i roto. Nahea ra i te tanu i te tiare e te huero raau, ia faanehehehe e ia horoi i to tatou mau fare pureraa, — mai te mea aita e Diakono i te Amaa, e haapao ihoa ia te mau Tuahine i te fare pureraa, — E tamata i te paruru i te maa ia ore te ra'o e te ro ia haere i nia iho, no te mea e faaino ratou i te maa, Ia hopu pinepine i te pape. Ia haapii te mau Tuahine, i te Evanelia, i ta ratou mau tamarii. Ia oti te haapiiraa, e paraparau te mau tuahine no nia i te reira.

Na te Peretiteni e faatere.

HAAPIIRAA SABATI.

Goladena W. MACK.

Teneta A. WILDE.

Anderea N. MACHEN.

No te ava'e TIUNU. Pupu 3 e te 4.

Irava tamau aau: Exodo 20:12. Te haapiiraa: Te Buka a Moromona.

LAMANA raua o NEPHI.

Sabati matamua: II Nephi, pene 5.

Sabati piti: II Nephi, pene 33.

Sabati toru: Iakoba, pene 2 e te 4.

Sabati maha: Iakoba, pene 3.

Na te Pupu Piti.

Te parau no te mau Melo. Hi'o i te mau irava, na te Autahu'araa, i roto i te Ve'a.

PARAIMERE, Pupu 1.

Sabati matamua; Luka 15:11-32. Te tamaiti o tei faarue i to'na utuafare.

Sabati piti: Luka 15:1-7. Te mamoe i moehia.

Sabati toru e te maha: Ruta: na pene e maha. Te mau parau no Ruta raua o Naemi. Te irava tamau aau: Ruta 1:16.

HAAPIIRAA NA TE FEIA API.

TENA PALMER.

NOELA. C. DEVEY.

VERANO NA C. THURGOOD.

Haapiiraa Hoho'a no RUTA raua o NAOMI. Ruta 1:16.

Te mau tufaa:

1.- Naomi. 2.- Elimeleka. 3.- Malona. 4.- Kiona. 5.- Oraphé.
6.- Ruta. 7.- Boaza. 8.- Obedá. 9.- E Orometua. 10.- Taata tai'o
parau.

TUFÁA MATAMUA. Te utuafare o Elimeleka, aore e maa, te opuaraa
e tere i Moabi e to ratou haereraa. Paruru. Himeneraa.

TUFÁA PITI. Te taeraa i te fenua Moabi, te farereiraa ia Ruta ma e
to ratou faaipoiporaahia. Paruru. Himeneraa.

E tai'o mai te taata tai'o parau i te parau no te poheraa o Elimeleka e
ta'na nau tamaiti.

TUFÁA TORU. Na vahine tootoru te paraparau noa ra ratou,
Paruru. E tai'o te amuiraa i te parau i roto i te Ruta 1:16.

E faaite mai te taata tai'o parau i to ratou ho'iraa i te fenua, te ohipa
maitai a Ruta, to'na faaipoiporaa ia Boaza, te fanauraa o Obedá, e te pa-
rau tuatapapa no Ruta, i te pene 4.

TUFÁA MAHA. Te paraparau noa ra o Ruta, Naomi e o Boaza. E hae-
re mai te Orometua e te mau taata e haamaitai ia Obedá. Himene i te
himene numera 47. Paruru. Te Hopea.

TE PRAIMERE

Robeta M. JOHNSON.

Henere C. TEEPLES.

Rarefa R. TAYLOR.

No te navai ore te vahi e neneihia te parau no te Praise i roto i te
ve'a no te ava'e no Tiunu.

Louis Drollet Gérant

Thomas L. Woodbury Impr meur.

Rue Dumont d'Urville, Orovini, Papeete, Tahiti.